

no vole Lüt gsi. Und wänn eine devo äntli ales kauft gah hät, dän hät mer en dur die hinderi Türe us em Reparaturzimmer in Huusgang use glah. Nume: de Huusgang isch graglet vole Lüt gsi, und wänn öpper use n isch, dänn händ zwei oder drü defür inetruckt. D Tante und d Mueter händ mindischtens drü Chunde uf s Mal bedient, e Bekannti us em Huus hät mitghulfe, und wo de Vatter mit sim Trämmer-Dienscht fertig gsi isch, händs en ä no ane zitiert, zum choge hälfe.

Wenigschtens eimal isch es im Huus Forchschtrass hundertsächs-sesächzg eso zuegange, wie n i de n alte Schlösser, wänn s vo de Turische-Masse überfale werded.